



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Capitvla.

urn:nbn:de:hbz:466:1-15967

ea quæ sequuntur , Domino mediante , obseruari decernimus , non noua condentes , sed quæ a maioribus nostris secundum tramitem sanctorum scripturarum statuta , & a Christianis imperatoribus ac regibus promulgata , & usque ad hæc periculosa nostræ infelicitatis tempora fuere seruata , quasi lumina in malignorum operum tenebras , quæ excæcant diffidentia filios , deuocamus : vt falce sancti Spiritus , per diuinum ministerium nostri officii , per que regiæ sollicitudinis potestatem , ac ministros reipublicæ , male pullulantia recidantur , & fructuosa Christianis membris inferantur .

C A P I T V L A .

I.

Gelasius
epist. 10.

HÆC namque sunt sacerdotalis officii , & regii ministerii . quia sicut in sacris legimus literis , duo sunt , quibus principaliter mundus hic regitur , auctoritas sacra pontificum , & regia potestas . Solus enim Dominus noster Iesus Christus vere fieri potuit rex & sacerdos . Post incarnationem vero , & resurrectionem , & ascensionem eius in cælum , nec rex pontificis dignitatem , nec pontifex regiam potestatem sibi usurpare præsumpsit . sic actionibus propriis dignitatibusque ab eo distinctis , vt & Christiani reges pro æterna vita pontificibus indigerent , & pontifices pro temporalium rerum cursu regum dispositionibus vterentur : quatenus spiritalis actio a carnalibus distaret incuribus , & ideo militans Deo minime se negotiis sæcularibus implicaret , ac vicissim non ille rebus diuinis præsidere videretur , qui esset negotiis sæcularibus implicatus . Et tanto est dignitas pontificum maior quam regum , quia reges in culmen regium sacrantur a pontificibus , pontifices autem

a

ANNO CHRISTI 881. a regibus consecrari non possunt : & tanto grauius pondus est sacerdotum , quam regum , quanto etiam pro ipsis regibus hominum in diuino redditu-
ris sunt examine rationem : & tanto in humanis re-
bus regum cura est propensior , quam sacerdotum ,
quanto pro honore & defensione ac quiete sanctæ
ecclesiæ , ac rectorum & ministrorum ipsius , &
leges promulgando , ac militando , a rege regum
est eis curæ onus impositum . Et legimus in sacris Deut. 17.
historiis , quia cum sacerdotes in regimine regni
reges vngabant , & diademata capitibus illorum
imponebant , legem in manibus eis dabant ; vt di-
scent & scirent qualiter se & subiectos sibi rege-
re , & sacerdotes Domini honorare debeant . Legi-
mus etiam in sacra historia , quia Ozias rex præ- 2. Paral. 26.
sumpsit incensum ponere , (quod non regii , sed
sacerdotalis erat ministerii) lepra est a Deo per-
cussus , & de templo a sacerdotibus eiectus , & in
domo sua est usque ad mortem reclusus .

II.

Denique si pro salute regis ac reipublicæ mini-
strorum , & pro ministerio indignitati nostræ
commisso , in processu aliqua dixerimus , quæ car-
nalibus animis valeant displicere , (quia medicus sæ-
pe , quos leni vnguento medicare non potest , per
amarum poculum confectionis reducit ad hilari-
tatem sanitatis) ne dicant de nobis quod dictum
legimus de sedentibus in cathedra Moysis : Matth. 23.
Impo-
*nunt onera grauia & importabilia in humeros homi-
num , digito autem suo nolunt ea mouere , nos prius ver-
bis sancti Gregorii , ex homilia quam de euange-*

Concil. Tom. 24.

PPP

lio tractauit tempore Synodi episcoporum , accusamus : quoniam ad exteriora negotia , partim necessitate barbarici timoris , partim negligentia nostri temporis , dilapsi sumus , & aliud ex honore suscepimus , atque aliud officio actionis exhibemus . Ministerium prædicationis relinquimus , & ad pœnam nostram , vt video , episcopi vocamur , qui honoris nomen non virtutem tenemus . Relinquent namque Deum hi qui nobis commissi sunt , & tacemus : in prauis actibus iacent , & correctio-
nis manum non tendimus : quotidie per multas ne-
quitias pereunt , & eos ad infernum tendere neg-
ligenter videmus . Sed quando nos vitam corri-
gere valeamus alienam , qui negligimus nostram ?
Curis enim sacerdotalibus intenti , tanto insensibili-
res intus efficimur , quanto ad ea quæ foris sunt
studiosiores videmur . Vsu quippe curæ terrenæ a
cælesti desiderio obdurescit animus , & dum ipso
suo vsu durus efficitur per actionem sæculi , ad ea
emolliri non valet , quæ pertinent ad caritatem Dei ;
quia dum extraneis actionibus implicamur , minis-
terium actionis nostræ negligimus . Dei causam
relinquimus , ad terrena negotia vacamus : locum
sanctitatis accipimus , & terrenis actibus implica-
mur . Impletum est in nobis profecto quod scri-
ptum est : *Et erit sicut populus , sic sacerdos* . Sacer-
dos enim non distat a populo , quando nullo
vitæ suæ merito vulgi transcendit actionem . Ecce
iam pene nulla est sæculi actio , quam non sacer-
dotes administrent . Quanto autem mundus gladio
feriatur aspicimus , quibus quotidie percussioni-

Jsa. 24.
Offr. 4.

ANNO
CHRISTI
SS. bus intereat populus, videmus. Cuius hoc nisi nostro præcipue peccato agitur ? ecce depopulatæ vrbes , euersa castra , ecclesiæ ac monasteria destrœta , in solitudinem agri redacti sunt : sed nos pereunti populo auëtores mortis existimus , qui esse debuimus duces ad vitam. Ex nostro etenim peccato populi turba prostrata est , quia faciente nostra negligentia ad vitam erudita non est. Pensamus ergo , qui vnquam per linguam nostram conuersi de peruerso suo opere , nostra increpatione correpti pœnitentiam egerunt , quis luxuriam ex nostra eruditione deseruit , quis avaritiam , quis superbiam declinavit. Hic pastores vocati sumus , & cum ante æterni pastoris oculos venerimus , ibi gregem nostra prædicatione conuersum non ducemus. Sed vtinam , si ad prædicationis virtutem non sufficimus , loci nostri officium in innocentia vitæ teneamus.

III.

De honore & cultu Dei , atque sanctorum ecclesiarum , quæ auctore Deo sub ditione & tuitione regiminis regis nostri consistunt , communiter verbis eius qui dixit discipulis & apostolis suis , quorum licet indigni vicibus in ecclesia sanguine Christi redempta fungimur : *Qui vos audit me audit,*
& qui vos spernit me spernit: non enim vos estis qui loquimini, sed Spiritus Patris vestri qui loquitur in vobis, Luc. 10.
 dominum nostrum regem monemus , vt sicut tempore antecessorum suorum imperatorum ac regum exultæ & honoratæ , atque rebus ampliatæ fuerunt , salua æquitatis ratione ita permaneant ; &

Concil. Tom. 24.

Ppp ij

quæ sua liberalitate honoratæ atque ditatæ fuerunt, de cetero sub integritate sui seruentur. Et sacerdotes, ac serui & ancillæ Dei, vigorem ecclesiasticum, & debita priuilegia, iuxta reuerendam auctoritatem obtineant: eisque regalis potestas, & illustrium virorum strenuitas, seu reipublicæ administratores, vt suum ministerium competenter exequi valeant, in omnibus rationabiliter & iuste concurrant.

IV.

Vt missi regii per ciuitates, & singula monasteria tam canonicorum, quam monachorum, siue sanctimonialium, vna cum episcopo parochiæ vniuscuiuscumque in qua consistunt, cum consilio etiam & consensu ipsius qui monasterium retinet, vitam ibi decentium & conuersationem inquirant, & vbi necesse est corrigant, & vbi defunt, congruas officinas construere iubeant, & vbi factæ & per negligentiam sunt destructæ, instaurari præcipiant, & victum ac potum, & vestitum, atque cetera necessaria, pro qualitate & possibilitate loci, & inhabitantium necessitate ordinent, & hospitalitatem superuenientium hospitum, & receptionem pauperum ibidem disponant & ordinent: & thesaurum, ac vestimenta, seu libros diligenter imbreuient, & breues regi reportent. Imbreuient quid vnuquisque ecclesiarum prælatus, quando prælationem ecclesiæ suscepit, ibi inuenerit, & quid modo exinde minus sit, vel quid & quantum sit superadditum. Numerum etiam canonico- rum, & monachorum, siue sanctimonialium,

<sup>ANNO CHRISTI
881.</sup> vniuersusque loci describant, & regi referant: secundum qualitatem & quantitatem loci, cum consilio episcoporum & fidelium suorum, vbi minor numerus fuerit, regia auctoritate addatur: vbi vero indiscretione prælatorum superfuerit, ad mensuram redigatur. Et qualiter abbatiarum prælati, & in locis sacris inhabitantes, de his quæ missi regii præceperint, obedierint, regi diligentissime & capitulatim referre procurent.

V.

Raptore autem, non nostris verbis, sed Christi & sanctorum eius, qui cum illo in cælo regnant, & in terris miraculis coruscant, auctoritate ipsius qui nobis licet indignis in apostolis suis dixit: *Quæ-* ^{Matt. 18.} *cumque alligaueritis super terram, erunt ligata & in cælis: & quæ solueritis super terram, erunt soluta & in cælis,* monemus, & eis verba ipsius Domini inculcamus, quæ, nisi se correxerint, in extremo iudicio audient: *Efuriui, & non dedisti mibi mandu-* ^{Matt. 29.} *care, & cetera, quibus dicit: Discedite a me maledicti in ignem æternum, qui paratus est diabolo, & angelis eius.* Hinc ergo colligendum est, quanta damnatione plectendi sunt qui aliena rapiunt, si tanta animaduersione feriuntur qui sua indiscrete tenuerunt. Perpendant quo eos obliget reatu res rapta, si tali subiicit pœnæ non tradita. perpendant quid meretur iniustitia illata, si tanta percussione digna est pietas non impensa. Audiant raptore: *Væ ei* ^{Habac. 2.} *qui multiplicat non sua usquequo, & agrauat contra se densum lutum.* Densum lutum contra se agrauare, est terrena lucra cum pondere peccati cumula-

Matth. 16. re. Audiant quid Christus dicat : *Quid prodest homini si totum mundum lucretur, animæ vero suæ detrimentum fiat?* id est, quid prodest homini, si totum quod extra se est congregat, si hoc solum quod ipse est damnat? Audiant quod illa quæ rapiunt in hoc sæculo deficient, aut in sæculo dimittent, sed secum ad iudicium causas rapinæ, id est damnationem secum ferent. Audiant quid propheta Isaïas dicit : *Rapina pauperis in domo vestra.* & : *Causa viduæ non ingreditur ad eos.* & : *Non despiciet Dominus preces pupilli, nec viduam, si effundat loquela gemitus.* Nonne lacrymæ viduæ ad maxillam descendunt, & exclamatio eius super deducentem eas? A maxilla enim ascendunt usque ad cælum, & Dominus exauditor non delebitur in illis. Audiant quia in cuius domo rapina est, siue in domo corporis, siue in domo mansionis, non habitat in illa domo Spiritus sanctus, sed spiritus malignus : & si accedit ad communionem corporis & sanguinis Christi ante dignam satisfactionem, non mundatur per illam communionem a peccato, sed plenius, sicut Iudas, quando in cœna plenus rapina & iniquitate communicare præsumpsit de manu Christi, possessus est a diabolo. Vnde & suspensus crepuit medius, & abiit in locum suum, id est, suis meritis acquisitum, videlicet in ignem æternum. quia cum intravit sanctus panis in plenum de iniquitate ventrem, intravit hostis antiquus, qui dicitur diabolus & satanas, in crudelem & impiam mentem. Et ille enim, sicut Iudas tradidit Christum peccatoribus Iudeis, ita plenus rapinis & iniquitate tradit Christum pec-

*Isa. 3.**Ecl. 35.*ANNO
CHRISTI
SS. I.

ANNO
 CHRISTI
 SS. catoribus membris suis , qui illud inæstimabile Do-
 mini corpus violare præsumit . Et vœ illi homini ,
 qui ad mensam Domini malignus accedit , qui in-
 fidiis mente conditis , qui præcordiis rapina aut a-
 liquo scelere pollutis mysteriorum Christi secretis
 participare non metuit . Vœ illi homini , de quo
 Iesus , qui altaribus sacrosanctis inter immolan-
 dum , vtpote proposita consecratus munera ,
 adesse non dubitatur , adstantibus sibi ministris cæ-
 lestibus queri cogitur , quod in cœna discipulis de
 Iuda dixit : *Ecce , inquiens , manus tradentis me me-* Luc. 22.
cum est in mensa . Et vœ illi de quo dicit Paulus
 apostolus quod quasi speciali priuilegio in cœna
 Domini quando hæc sunt tradita legimus : *Qui-* 1. Cor. 11.
cumque manducat panem hunc , aut calicem Domini
bibit indigne , indicium sibi manducat & bibt , non di-
judicans , id est non discernens a cibis ceteris , cor-
pus Domini : sed sic ad mensam Domini accedit si-
 ne reuerentia & timore de peccatis suis , sicut læ-
 tus accedit , quando socius suus illum plena men-
 sa pascit de rapinis suis . Et quod idem dicit apo-
 stolus : *Ideo inter vos multi infirmi , & imbecilles , &* 1. Cor. 11.
dormiunt , id est moriuntur , multi . Hoc monstra-
 tur in exemplo de infirmitatibus & mortibus cor-
 poralibus aliorum , quod fit in anima in spirita-
 libus infirmitatibus atque mortibus omnium irre-
 uerendorum . Hoc enim pascha , quod tunc Do-
 minus in nouo mysterio egit , quotidie celebra-
 mus quotiescumque Missam agimus : sicut ipse Ibidem.
 tunc omnibus episcopis & presbyteris , ac cete-
 ris fidelibus , celebrantibus atque adstantibus ad

hoc terribile sacramentum , in apostolis suis di-
i. Cor. II. xit : *Hæc quotiescumque feceritis , in meam memoriam*
facietis. Et potest fieri , vt quidam audientes tale
periculum esse communicare corpori & sanguini
Domini , qui non volunt a malis recedere & de
præteritis pœnitentiam agere , dicant : Abstinebi-
mus nos ab illa communione , quia non retrahim-
us nos a mala operatione. Vnde audiant quibus-
cumque diabolus ista susurrat , quoniam sicut Do-
minus dicit de baptismo , quod nullus potest fieri
saluus , nisi qui renatus fuerit ex aqua & Spiritu san-
cto : ita de hac sancta communione dixit : *Nisi man-*
duaueritis carnem filii hominis , & biberitis eius san-
guinem , non habebitis vitam in vobis. Et sicut dixit:
Marc. 16. *Qui crediderit & baptizatus fuerit , saluus erit , id est ,*
sicut promisit in baptismate , diabolo & eius ope-
ribus abrenuntiando , & in Deum fide quæ per di-
lectionem operatur credendo , hoc est vt in fide &
bonis operibus permaneat , & si post baptismum
peccauerit , per confessionem & dignam pœnitent-
iam , illis qui in eum peccauerunt dimittendo , &
bonis operibus insistendo , hoc quod male fecit e-
mendet : ita etiam de hac sancta communione di-
xit : *Qui manducat carnem meam , & babit sanguinem*
meum , in me manet , & ego in eo . & : Si quis manduca-
uerit ex hoc pane , vivet in æternum , & ego resuscitabo
eum in nouissimo die . & : Sicut misit me vivens Pater , &
ego vivo propter Patrem . & : Qui manducat me , & ipse
vivet propter me. Audiant rapaces & prædatores ,
quid iterum Dominus per prophetam dicat : *Qui*
prædaris , nonne & ipse prædaberis ? Videlicet quia
ille

ANNO CHRISTI
SS. ille qui prædatur res pauperum & ecclesiistarum ac
seruorum Dei, prædatur a diabolo, & præda il-
lius fit. Audiant quid sanctus Paulus apostolus di-
cat, per quem locutus est Christus, & qui raptus
fuit usque ad tertium cælum, & qui raptus fuit in
paradisum, & audiuimus talia secreta verba, quæ non
licebat homini loqui. Ait namque quia *neque rapa-*
1. Cor. 6.
ces, neque homicidæ, neque adulteri regnum Dei possi-
debunt. Vnde intendant quale quantumque pecca-
tum est rapina, quam cum adulterio & homici-
dio sanctus comparauit apostolus. Item ipse dicit:
Si quis fornicator, aut adulter, aut rapax, aut homi-
Ibid. 5.
cida est, cum huiusmodi nec cibum sumere Christi di-
scipulo, id est, Christiano, licet ante satisfactio-
nem, id est, correctionem, ac emendationem &
dignam pœnitentiam. Audiant quod sanctus Ioan-
nes apostolus, electus & dilectus Christi, qui in
cœna super pectus eius recubuit, talem hominem
salutare vetat dicens: *Nec Ave ei dixeritis, neque in do-*
2. Ioan. 10.
mum receperitis. Audiant quid per prophetam Do-
minus dicit ad eos qui in medio talium immorātur:
Exite, inquiens, de medio eorum, & immundum ne teti-
2. Cor. 6.
geritis, & ego recipiam vos, & habitabo inter vos, &
ero vobis in Deum, & vos eritis mihi in filios & filias.
Nihil enim est aliud quod isti raptores faciunt, nisi
præcurcio exercitus antichristi, cuius voce dictum
est: *Non mouebor a generatione & generationem sine psal. 10.*
malo. id est tanta mala faciam in uno loco, ut ante-
quam ad alium locum veniam, aduentum meum
ibi habitantes timeant: sed & postea sentient. Et
Ioannes apostolus: *Nunc, inquit, antichristi multi*
1. Ioan. 2.

Concil. Tom. 24.

Qqq

funt. Vnde timendum nobis est quod omnis propter hoc deprecatur ecclesia: *Exurge Domine Deus, exaltetur manus tua*, id est, ad vindictam, *non obliuiscaris pauperem populum.* & Dominus, qui non mentitur, repromittit dicens: *Propter miseriam impum, & gemitum pauperum, nunc exurgam*, dicit Dominus, id est, iam iamque in proximo vindictam exercebo. Audiant raptore, quid de talibus sacri Canones decernunt: Si quis, inquiunt, de potentibus clericum, aut quemlibet pauperem, aut religiosum exspoliauerit, & mandauerit ad ipsum episcopus ut eum audiat, & is contempserit: inuicem mox scripta percurrant per omnes prouinciae episcopos, & quoscumque adire potuerit, ut excommunicatus habeatur, donec audiat & reddat aliena. Ecce de pauperum raptoribus. Audiant raptores & prædones rerum ecclesiasticarum, quid sanctus Anacletus papa, ab ipso beato Petro apostolo presbyter ordinatus, cum totius mundi sacerdotibus iudicauit. Dicit namque: *Qui abstulerit aliquid patri vel matri, homicidae particeps est.* Pater noster sine dubio Deus est, qui nos creauit, mater vero nostra ecclesia, quæ nos in baptismo spiritualiter regenerauit. Ergo qui Christi pecunias & ecclesiæ rapit, aut aufert, vel fraudatur, homicida est, atque homicida ante conspectum iusti iudicis deputabitur. *Qui rapit pecuniam proximi sui, iniquitatem operatur:* qui autem pecuniam vel res ecclesiæ abstulerit, sacrilegium facit, & ut sacrilegus iudicandus est. Et sanctus Urbanus papa & martyr: Res, inquit, & facultates ecclesiasti-

Psal. 10.

Psal. 11.

Concilium
Tolet. 1.
Can. 11.

Epist. 1.

Epist. 1.

PBO

ANNO CHRISTI 881. cæ oblationes appellantur, quia Domino offeruntur, & vota sunt fidelium, ac precia peccatorum, atque patrimonia pauperum: si quis illa rapuerit, reus est damnationis Ananiae & Sapphiræ, & oportet huiusmodi tradere satanæ, ut spiritus saluus sit in die Domini. Et sanctus Lucius papa: Rerum, inquit, ecclesiasticarum & facultatum raptore a liminibus sanctæ ecclesiæ anathematizatos apostolica auctoritate pellimus & damnamus, atque sacrilegos esse iudicamus: & non solum eos, sed & omnes consentientes eis: quia non solum qui faciunt rei iudicantur, sed etiam qui facientibus consentiunt. Par enim poena & agentes & consentientes comprehendit. Et sanctus Augustinus in sermone euangeli sancti Joannis ita dicit: Fur sacrilegus loculorum sacrorum & dominicorum est Iudas, & qui aliquid de ecclesia furatur & rapit, Iudæ perditο comparatur. Item in sacris Canonibus Spiritu sancto dictatis, & Christi sanguine confirmatis, scriptum est: Si quis oblationes ecclesiæ extra ecclesiam accipere vel dare voluerit, præter conscientiam episcopi vel eius cui huiusmodi officia commissa sunt, nec cum eius voluerit agere consilio, anathema sit. Episcopus autem omnibus se audientibus dicere debet quid sit anathema: Id est, alienatio a Christo & eius corpore, quæ est sancta ecclesia. Et ne desperent tales homines, & in peccato permaneant, ostendere debet episcopus quamdiu duret anathema, id est, quamdiu quisque errorem non corrigit, & digna satisfactione non emendat, ut recon-

Tract. 50. in
Ioannem.Concilium
Gangr.
Can. 7.

Concil. Tom. 24.

Qqq ij

ciliationem & indulgentiam valeat promereri. Si quis vero ante satisfactionem, & reconciliationis indulgentiam, in peccatis suis perseuerans mortuus fuerit, iam anathema perpetuum illi erit, & peccatum ad mortem, pro quo non dicit apostolus ut oretur.

1. Iod. 5.

VI.

Regiam vero dignitatem, & ministros reipublicæ, ac cooperatores regii ministerii, episcopali auctoritate & Domini voce monemus, vt semet-ipsos coram Deo & coram hominibus tales exhibeant, vt adiutores Dei fieri, & ab ipso & in præsenti sæculo & in futuro adiuuari mereantur: & nulla quælibet causa, aut munerum acceptio, aut amicitia cuiuslibet, vel odium, aut timor, aut gratia, ab statu rectitudinis eos deuiare compellat, quin inter proximum & proximum iuste iudicent: pupillorum vero, & viduarum, & ceterorum pauperum adiutores ac defensores, & sanctæ ecclesiæ vel seruorum illius honoratores iuxta suam possibilitatem fiant: illos quoque qui temeritate & violentia in furtis & latrociniis, siue rapinis, communem pacem populi perturbare moluntur, suo studio & correptione sicut decet competant. Vnde quædam capitula, a præcedentibus imperatoribus & regibus statuta, in vnum collecta subiungere dignum duximus, quæ ita se habent.

EX CAPITVLIS IMPERATORVM ET REGVM.

Lib. II. c. 14.

DE pace in exercitali itinere seruanda usque ad mar-

cham, hoc omnibus notum fieri volumus, quod qui-

cumque auctorem damni sibi præterito anno illati nominatim cognoscit, vt iustitiam de illo quærat, & accipiat. Deinceps tamen omnibus denuntiare volumus, vt vnuſquisque cognoscat omnes, qui in suo obsequio in tali itinere pergunt, siue sui fint, siue alieni, vt ille de eorum factis rationem se sciat redditurum: & quidquid in pace violanda deliquerint, ad ipsius debet periculum pertinere. eascilibet conditione, vt pacis violator primum iuxta facinoris qualitatem, siue coram nobis, siue coram misso nostro, dignas poenas persoluat: & senior, qui secum talēm duxerit, quem aut constringere noluit, aut non potuit, vt nostram iussionem seruaret, & insuper in regno nostro prædas facere non timeret, pro illius negligētia, si ante eum de his non admonuerit, & postquam negligētia contemptoris ad eius notitiam peruererit, eum corrigere sicut decet neglexerit, honore suo priuetur, vt scilicet neuter illorum sine iusta vindicta remaneat.

Si quis in exercitu infra regnum, sine iussione domini- Lib. v. c.
ca, per vim hostilem aliquid prædare voluerit, aut fenum tollere, aut granum; siue pecora maiora vel minora, domoſque infringere, vel incendere, hæc ne fiant omnino prohibemus. Quod si ab aliquo præsumptioso factum fuerit, sexaginta solidos si liber est sit culpabilis, & omnia cimelia restituat, aut cum duodecim testibus se purget. Si vero seruus hoc fecerit, capitali criminis subiaceat, & dominus omnia cimelia restituat, quia seruum suum non correxit, nec custodiuīt, vt talia non perpetraret. Quoniam si nos- ipsos comedimus, cito deficiemus. Vnuſquisque tamen custodiat exercitum suum, ne aliqua deprædatio infra regnum fiat.

Si quis domum alienam cuiuslibet infregerit, quidquid Lib. iii.
exinde per vim abstulerit, aut rapuerit, vel furauerit, secundum legem illi, cuius domus fuerit infracta & spoliata, in triplum componat, & insuper bannum dominicum soluat. Si seruus hoc fecerit, sententiam superiorem accipiat, & insuper secundum suam legem compositionem faciat. Si quis liber homo aliquod tale damnum alicui fecerit, pro quo plenam compositionem facere non valeat, semet ipsum in vadio pro seruo dare studeat, vsque dum plenam compositionem adimpleat.

Lib. III. c. i. De pace admonemus, vt omnes qui per aliqua sceleræ rebelles sunt constringantur.

Ibid. c. 66. Si quis messes aut annonas in hoste super bannum dominicum rapuerit, vel pauerit, aut furauerit, aut cum caballis vastauerit, æstimato damno secundum legem in tripulum componat: & si liber homo hoc fecerit, bannum dominicum pro hac re componere cogatur. Seruus vero secundum legem tripla compositione damnum in loco restituat, & pro damno disciplinæ corporali subiaceat.

Lib. VI. c. 96. Si quis infra regnum rapinam fecerit, aut cuiquam nostro fidei, eiusque homini, aliquid vi abstulerit, in triplo cui aliquid abstulit legibus componat, & insuper bannum nostrum, id est sexaginta solidos, nobis persoluat. Postmodum vero a comite ante nos adducatur, vt in bastonico retrusus usque dum nobis placuerit penas luat. Nam si publice actum fuerit, publicam inde agat poenitentiam iuxta facrorum Canonum sanctionem. Si vero occulte, sacerdotum consilio ex hoc agat poenitentiam: quoniam raptiores, vt ait Apostolus, nisi veram egerint poenitentiam, regnum Dei non possidebunt. Qui vero de rebus ecclesiistarum aliquid abstulerint, grauius inde iudicentur: quia sacrarum rerum ablatio sacrilegium est, & sacrilegus vocatur, qui ex eis aliquid abstulerit aut rapuerit. Extortores namque a liminibus sanctæ matris ecclesiæ tales personæ usque ad satisfactionem ecclesiæ quam læserint, sunt habendæ, atque firmiter denotandæ.

Caroli Calui tit. XII. c. 12. Vnusquisque missus in suo missatico prouisionem habeat, vt si aliquis de nostris fidelibus per missaticum suum transferit, aut ibi consistens, vel commanens, rapinas, vel deprædationes, aut talia illicita fecerit de quibus Deus offendit solet, & populus pro oppressione gemere, quatenus hoc subtiliter & veraciter inuestiget, & nobis renuntiet, qualiter inde nos sic ordinemus, vt nec ipsum, nec alium hoc agere deleget.

Ibid. c. 13. Ut missi in illorum missaticis curam habeant, ne homines nostri, aut alii quilibet, vicinos suos maiores vel minores tempore æstatis, quando ad herbam suos caballos mittunt, vel tempore hiemis, quando marescalcos illorum ad fodrum dirigunt, vicinos maiores vel minores deprendentur: & si egerint, hoc etiam, vt prædictimus, ve-

ANNO CHRISTI 881. raciter missi nostri inuestigent, & nobis renuntient, vt in seniore hoc sic emendemus quatenus homines suos in po-testate habeat, & contenti sint debitis, & indebita iniuste non appetant.

Volumus vt res ecclesiarum, in cuiuscumque regno caput fuerit, tam de episcopatibus, quam de abbatis, fine vlla contradictione rectores ipsarum ecclesiarum, sicut tempore domni ac genitoris nostri fecerunt, illas possi-deant. Et quia per vagos, & tyannica consuetudine irre-uerentes homines pax & quies perturbari solet, volumus vt ad quemcumque nostrum talis venerit, vt de his quæ egit rationem & iustitiam subterfugere possit, nemo ex nobis illum ad aliud recipiat, vel retineat, nisi vt ad re-ctam rationem & debitam emendationem perducatur. Et si rationem re-ctam subterfugerit, omnes in commune, in cuius regnum venerit, illum persequantur, donec aut ad rationem perducatur, aut de regno deleatur.

Similiter & de eo agendum est, qui pro aliquo capitali & publico crimine a quolibet episcopo corripitur vel ex-communicatur, aut ante excommunicationem crimen faciens, regnum & regis regimen mutat, ne debitam pœnitentiam suscipiat, aut suscepitam legitime peragat.

Denuntiandum est omnibus, & a missis nostris ordi-nandum, vt omnes ecclesiæ & presbyteri sub immuni-tate ac priuilegio, & ordinatione atque dispositione epi-scoporum singularum parochiarum, in quibus confi-stunt, secundum auctoritatem canonicam, & capitula-ria domni Caroli imperatoris & pii Augusti Hludouici permaneant.

Vt missi nostri diligenter inuestigent cum episcopo, & prælatis monasteriorum, & per fideles & strenuos viros in vnaquaque parochia, de rebus ecclesiasticis in alodem datis. & sicut evidentibus & veris indiciis ac auctoritatibus compererint, diligenter a quo & quibus datae sint, & quantum exinde sit describant, & nobis renuntient, vt cum consilio fidelium nostrorum hoc sacrilegium emen-dare curemus.

Vt missi nostri expresse, & cum omni diligentia, cum episcopo & prælatis monasteriorum, per singulas paro-chias requirant de rebus ecclesiasticis, vnde nonæ & de-

Ludouici
Balbi tit.
iii. cap. 7.
& 8.

Caroli
Caluit. tit.
xxvi. c. 5.

Caroli Cal-
ui tit. ix.
cap. 4.

Ibid. c. 5.

Ibid. cap. 6.

cimæ solui debent, & non soluuntur, vt persolui ab easdem res retinentibus faciant. Et si aliqua contradic^{tio}, quæ rationabilis videatur, oborta fuerit, describatur: & prælatus ipsius casæ Dei, vnde res esse noscuntur, & ille qui eas detinet, & nonam ac decimam soluere detrectat, simul cum missis nostris ad nostram iubeatur venire præsentiam, vt tunc veritate comperta, & diffinitione decreta, quod rationabiliter inuenerimus inde præcipiamus.

Ibid. Volumus etiam, vt inuestigent missi nostri, qualiter illi, qui easdem res ecclesiasticas, vnde decimæ dantur, siue non dantur, illas saluas habeant, & in casticiis & in siluis custoditis, vel si terræ ac mancipia inde perdita sint, vel aliquid huiusmodi, aut si familia oppressa sit contra legem, & omnia per breues renuntient missi nostri.

Ibid. c. 7. Ut missi nostri per singulas parochias comitibus & reipublicæ ministris ex banno nostro præcipiant, ne malla vel placita in exitibus & atriis ecclesiarum, & presbyterorum mansionibus, neque in dominico, vel festiuis diebus, tenere præsumant: sed comes conuenientem locum consideret & inueniat vbi stationem ad mallum tenendum constituat: quia nefas est ibi reos puniri, vbi respectu diuinæ reuerentiæ misericordiam consensu fidelium & decreto prædecessorum nostrorum consequuntur.

Ibid. c. 8. Ut missi nostri comitibus, & omnibus reipublicæ ministris, firmiter ex verbo nostro denuntient, atque præcipiant, vt a quarta feria ante initium quadragesimæ, nec in ipsa quarta feria, vsque post octauas paschæ, mallum vel placitum publicum, nisi de concordia & pacificatione discordantium, tenere præsumant. Similiter etiam a quarta feria ante nativitatem Domini, vsque post consecratos dies obseruent: nec non in ieuniis quatuor temporum, & in rogationibus, simili obseruatione eosdem feriatis dies venerari omnimodis studeant.

Ibid. c. 9. Ut missi nostri omnibus per singulas parochias denuntient, quia si episcopus, aut ministri episcoporum, pro criminibus colonos flagellauerint cum virgis, propter metum aliorum, & vt ipsi criminosi corrigantur, cum tali discretione sine vlla occasione indebita, sicut in Synodo collocutum est, & vel inuiti pœnitentiam temporaliter & corporaliter agant, ne æternaliter pereant: si seniores ipso

rum

ANNO CHRISTI 884. rum colonorum indigne tulerint, & aliquam vindictam inde exercere voluerint, aut eosdem colonos ne distringantur continere præsumperint, sciant quia & bannum nostrum component, & simul cum excommunicatione ecclesiastica nostram harmiscaram sustinebunt.

Vt missi nostri omnibus reipublicæ ministris denuntiant, vt comes, vel reipublicæ ministri, simul cum episcopo vniuersiusque parochiæ sint in ministeriis illorum, quando idem episcopus suam parochiam circumierit, cum episcopus eis notum fecerit: & quos per excommunicationem episcopus adducere non potuerit, ipsi regia auctoritate & potestate ad pœnitentiam vel rationem atque satisfactionem adducant.

Sciant etiam fideles nostri, quia concessimus in Synodo venerabilibus episcopis, ne super beneficia ecclesiastica, vel præstarias, etiam si quilibet monasteriorum prælatus irrationabiliter petierit, præcepta confirmationis nostræ vlo modo faciamus. Et ideo ab irrationabili petitione se ynusquisque compescat.

De vno manso secundum capitulare Augustorum & prædecessorum nostrorum ad ecclesiam dato, nullus census, neque caballi pastus, a senioribus de presbyteris requiratur, sicut in præfato capitulari continetur. Sed neque de terrulis ac vineolis pro loco sepulturæ ad easdem ecclesias datis, neque de decimis, sicut in Canonibus, & in præfatis capitularibus continetur. Et vbi inuentum fuerit a missis nostris, quod seniores sine conscientia episcoporum presbyteros de ecclesiis eiiciunt, vel in ecclesiis statuunt, missi nostri, sicut in præfatis capitularibus continetur, inde faciant, & episcopi de clericis hominum nostrorum ita faciant, sicut in eisdem capitularibus continetur.

Hoc missi nostri notum faciant comitibus & populo, quod nos in omni hebdomada vnum diem ad causas audiendas & iudicandas sedere volumus. Comites autem & missi nostri magnum studium habeant, ne forte propter eorum negligentiam pauperes crucientur, & nos tandem propter eorum clamores patiamur, si nostram gratiam habere volunt. Populo autem dicatur, vt caueat de aliis causis se ad nos reclamare, nisi de quibus aut missi nostri, aut comites, eis iusticias noluerint facere.

Concil. Tom. 24.

Rrr

Caroli Cal-
uitit. xxxiv.
cap. 3.Tit. XLIII.
sub finem
cap. 2.

Vt nostri fideles, vnuſquisque in ſuo ordine & ſtatu, veraciter ſint de nobis ſecuri, quia nullum abhinc inante contra legem & iuſtitiam, vel auſtoritatem ac iuſtam rationem, aut damnabimus, aut dehonorabimus, aut opprimemus, vel indebitis machinationibus affigemus: & illorum, ſcilicet veraciter nobis fidelium, communis confilio ſecundum Dei voluntatem, & commune ſaluumentum ad reſtitutionem ſanctæ Dei ecclæ, & ſtatum regni, & ad honorem regium, atque pacem populi commiſſi nobis pertinentem aſſenſum præbebimus: In hoc vt illi non ſolum non ſint nobis contradicentes & reſiſtentis ad iſta exequenda: verum etiam ſic ſint nobis fideles, & obedientes, ac veri adiutores atque cooperatores vero confilio & ſincero auxilio ad noſtrum debitum honorem, & ad iſta peragenda quæ prämiſimus, ſicut per reſtum vnuſquisque in ſuo ordine & ſtatu ſuo, principi & ſuo ſeniori eſſe debet.

VII.

Ecce quæ de rapinis & de raptoribus ſanctus Spiritus per ſibi organa digna comminatus eſt & decreuit. Ecce quæ antecessores vestri imperatores ac reges, in diuersis Synodis ac placitis, confilio epifcoporum ac ceterorum fidelium fuorum inde conſtituerunt. Quæ quomodo de emendationibus quæ male acta ſunt legi per Moysen datæ congruant, qui eam legit intelligit. Et in euangelio legimus dixiſſe Zacchæum ad Dominum: *Dimidium bonorum meorum, Domine, do pauperibus: & ſi quem defraudaui, reddo quadruplum.* Ad hoc enim aliam medietatem bonorum fuorum ſeruauit. Et hinc ſanctus Auguſtinus in epiftola ad Maccdonium dicit: *Quod dicis inquiens, Sceleris culpam cupiunt ſibi homines relaxari, & id propter quod ſcelus admissum eſt poſſidere; pefſimum hominum genus commemoras, cui poenitendi medicina*

Lvt. 19.

Epift. 54.

omnino non prodest. Si enim res necessaria , propter quam peccatum est , cum reddi possit non redditur , non agitur pœnitentia , sed fingitur. Si autem veraciter agitur , non remittetur peccatum , nisi restituatur ablatum , sed cum restitui potest. Plerumque enim qui aufert amittit , siue alios patiente malos , siue ipse male viuendo , nec aliud habet vnde restituat. Huic certe non possumus dicere , Redde quod abstulisti , nisi cum habere credimus & negare. Vbi quidem si aliquos sustinet repente cruciatus , dum existimatur habere quod reddit , nulla est iniquitas : quia etsi non est vnde reddit ablatam pecuniam , merito tamen , dum eam per molestias corporales redhibere compellitur , peccati quo male ablata est pœnas luit. Sed inhumanum non est etiam pro talibus intercedere , tamquam pro reis criminum : non ad hoc ut minime restituantur aliena , sed ne frustra homo in hominem saeuiat. Illud vero fidentissime dixerim , eum qui pro homine ad hoc interuenit , ne male ablata restituat , & qui ad se confugientem , quantum honeste potest , ad restituendum non compellit , solum esse fraudis & criminis. Nam misericordius opem nostram talibus subtrahimus , quam impendimus. Non enim opem fert qui ad peccandum adiuuat , ac non potius subuertit atque opprimit. Nolentes autem reddere , quos nouimus & male abstulisse , & vnde reddant habere , arguimus , increpamus , & detestamur , quosdam clam , quosdam palam , sicut diuersitas personarum diuersam videtur posse recipere medicinam , nec in aliorum

Concil. Tom. 24.

Rrr ij

perniciem ad maiorem insaniam concitari. Ali-
quando etiam, si res magis curanda non impedi-
tur, sancti altaris communione priuamus. Nec
interueniendum esse pro aliquo ausim dicere, vt
quod scelere abstulit, sceleris impunitate possideat:
sed vt remissa iniuria quod iniuriose abstulit red-
dat, si tamen habet quod abstulit, vel aliud vnde
illud restituat. Qui vero contra ius societatis hu-
manæ, furtis, rapinis, calumniis, oppressionibus,
inuasionibus abstulerit, reddenda potius quam
donanda censemus, Zacchæi publicani euangelico
exemplo, qui cum hospitio Dominum suscep-
set, in vitam sanctam repente mutatus, *dimidium*,
inquit, rerum mearum do pauperibus, & si cui ali-
quid abstuli, quadruplum reddo. Quid dicam de vſu-
ris, quas etiam ipsæ leges & iudices reddi iubent?
An crudelior est qui subtrahit aliquid vel eripit di-
uiti, quam qui trucidat pauperem fenore? Om-
nes igitur nos, & vos, & totius regni populus, re-
curramus ad conscientias nostras, & quidquid
contra voluntatem & mandatum Dei cogitauimus,
parabolauimus, & fecimus, per puram confessio-
nem, ac dignos pœnitentiæ fructus, atque sacer-
dotalem reconciliationem, expurgemus nos a fer-
mento malitiæ & nequitiae: & sicut hortatur nos
Psal. 94. Spiritus sanctus per Psalmistam, *præoccupemus fa-*
ciam eius in confessione: procidamus & ploremus ante
Dominum qui fecit nos, quia ipse est Dominus Deus no-
ster, nos autem populus eius, & oves pascaæ eius.
2. Mach. 12. Legimus enim in historia Machabæorum, quia
vir fortissimus Iudas pugnauit contra inimicos

ANNO CHRISTI
881. ecclesiæ quæ tunc temporis erat , & plures ex suis
in illo bello ceciderunt. Postquam autem fugatis
aduersariis ipse Iudas cum exercitu suo ad sepelien-
da corpora suorum qui in bello ceciderant reuer-
sus est, inuenta sunt sub tunicis occisorum donaria
de idololatriis, & manifestum factum est Dei iudi-
cium quia proinde ceciderunt in bello. Ergo si sub
tunicis nostris , id est , intra corpora nostra , habe-
mus conscientiam malam de rapinis , de auaritia ,
quæ est idolorum seruitus , de luxuriis , de inuidia ,
de fraternali odiis , & de homicidiis , de sacrilegiis , &
de incestibus , & de ceteris criminibus , ac pecca-
tis , expurgemus illa mala per puram confessionem ,
& per bonam deuotionem , & per lacrymas , & per
eleemosynas & dignas satisfactiones , & quantocius
tempus fuerit , faciamus omnes in commune de
præteritis peccatis , siue manifestis , siue secretis ,
publicam pœnitentiam , & triduanum ieunium ,
& mundemus nos ab omni inquinamento carnis
& spiritus , perficientes sanctificationem in timore
Dei. Quia sicut sanctus Augustinus dicit exponens
sententiam Apostoli , peccata siue parua siue magna
impunita esse non possunt : quia aut ab homine
pœnitente , aut a Deo iudicante plectuntur : ces-
sat autem vindicta diuina , si conuersio præcurrat
humana. Amat Deus pœnitentibus & confitenti-
bus parcere , & se iudicantes non iudicare. Et post
ieiunium , & dignos pœnitentiæ fructus , & profes-
sionem quod ab istis malis , in quibus haetenus ver-
sati sumus , nos de cetero abstinere debeamus , quia
pœnitentiam vere agere est commissa plangere , &

Rrr iii

iterum plangenda declinare , mutata in mente ma-
lignite in benigitatem , accipiamus corpus &
sanguinem Christi in remissionem peccatorum no-
strorum , vt Deus in nobis habitet , & nos in Deo:
quatenus nec inuisibiles , nec visibiles inimici con-
tra nos potestatem habeant. Nam aliter , nec super
prauos Christianos virtutem , nec contra Paganos
habere poterimus victoriam. Nullus autem de ini-
quitatum suarum immanitate desperet : tantum ex
toto corde conuertatur ad Dominum. Veteros fas

*Ioan. 4.**Luc. 23.**Psal. 46.**Thren. 3.**Ezech. 33.*

namque Niniuitarum culpas triduana pœnitentia
absterrit : & conuersus latro vitæ præmia etiam in
ipsa sententia suæ mortis emeruit. Mutemus igitur
corda , & præsumamus nos iam percepsisse quod
petimus. Citius ad precem iudex flectitur , si a pra-
uitate sua petitor corrigatur. Ea namque quæ in-
grata esse hominibus importunitas solet , iudicio
veritatis placet : quia pius ac misericors Deus vult a
se veniam exigi , qui quantum meremur non vult
irasci. Hinc etenim per Prophetam dicit : *Inuo-*
ca me in die tribulationis tuæ , & eripiam te , & ma-
gnificabis me. Ipse ergo sibi testis est qui inuocan-
tibus misereri desiderat , qui admonet ut inuoce-
tur. Et sicut per alium prophetam admonet : *Leue-*
mus corda nostra cum manibus ad Deum. Ad Deum
quippe corda cum manibus leuare est , orationis
studium cum merito bonæ operationis erigere.
Dat profecto , dat timori nostro fiduciam , qui per

prophetam clamat : *Nolo mortem peccatoris , sed ut*
conuertatur & viuat. Et certa sententia est , quia
quos Deus diu ut conuertantur exspectat , non

conuersos durius damnat. Et postquam taliter,
 sicut prædiximus, a peccatis nostris nos & vos mun-
 dabimus, de cetero ab eisdem & ab aliis peccatis
 nos contineamus, ne contingat nobis illud pro-
 uerbium, quod beatus Petrus apostolus de redeun-
 tibus post pœnitentiam ad peccata dicit: *Canis 2. Pa. 2.*
reuersus ad suum vomitum, & sus lota in volutabro lu-
 ti. Magna est enim contra peccatum pœnitentiæ
 virtus: sed si quis in eadem pœnitentia perseuereret.
 Nam scriptum est: *Qui perseverauerit usque in fi-* Mark. 10.
 nem, hic saluus erit. Hinc scriptum est: *Qui bapti-* Ecol. 34.
Zatur a mortuo, & iterum tangit eum, quid proficit la-
 uatio illius? Mortuum quippe est omne opus per-
 uersum, quod pertrahit ad mortem, quod vita iu-
 stitiæ non viuit. Baptizatur ergo a mortuo, & ite-
 rum tangit eum, qui prava opera, quæ se egisse
 meminit, deplorat; sed eisdem se iterum post la-
 crymas implicat. Animæ itaque cuilibet eiusdem
 mortui lauatio non proficit, qui hoc iterum fa-
 ciendo quod planxerat, nec per lamenta pœni-
 tentiæ ad rectitudinem iustitiæ exurgit. Et qui-
 cumque tempore pœnitentiæ profitetur ad pristi-
 na peccata se non redditum, id est, præterita pec-
 cata anathematizat, (quoniam aliter nec a Deo sol-
 uitur, nec sacerdotali ministerio reconciliari po-
 test,) solicite attendat quæ sanctus Gregorius in Lib. ix.
 quadam epistola sua dicit. Si qui vero sunt, in epist. 39.
Theocrit.
 quiens, qui dicunt quia compulsus quispiam ne-
 cessitate si anathematizauerit, anathematis vincu-
 lo non tenetur, ipsi sibi testes sunt quia Christia-
 ni non sunt, quia ligamenta sanctæ ecclesiæ vanis

ANNO
CHRISTI
MCMXVII
CARL
BLA

se æstiment conatibus soluere. Ac per hoc nec ab solutionem sanctæ ecclesiæ, quam præstat fidelibus, veram putant, si ligaturas eius valere non æstiment. Contra quos diu disputandum non est, quia per omnia despiciendi & anathematizandi sunt: & vnde se fallere veritatem credunt, inde in peccatis suis veraciter ligantur. Si qui sunt igitur, qui sub nomine Christiano hæc, quæ prædiximus, aut prædicare audent, aut taciti apud seipso tenere, procul dubio eos & ego, & omnes catholici episcopi, atque vniuersa ecclesia anathematizamus, quia veritati contraria sentiunt, & contraria loquuntur. Interest tamen plurimum inter eos, qui post pœnitentiam & professionem ad criminalia & publica peccata redeunt per contemtum, & in eis perseuerare diligunt, & inter eos, qui per fragilitatem in præterita peccata criminalia vel publica recidunt, & iterum pœnitentiam poscunt: quia sicut sanctus Augustinus dicit, in tantum hominum iniquitas aliquando progreditur, vt etiam post actam pœnitentiam, post altaris reconciliationem, vel similia vel grauiora committant: & tamen Deus facit etiam super tales oriri solem suum, nec minus tribuit, quam ante tribuebat, largissima munera vitæ ac salutis. Et quamuis in ecclesia locus humillimæ pœnitentiæ non concedatur, Deus tamen super eos suæ pœnitentiæ non obliuiscitur. Quamuis ergo cante salubriterque prouisum sit, vt locus illius humillimæ pœnitentiæ semel in ecclesia concedatur, ne medicina vilis minus utilis esset ægrotis,

quæ

Epiſt. 54.

ANNO CHRISTI
886 quæ tanto magis salubris est , quanto minus contemptibilis fuerit : quis tamen audeat Deo dicere , Quare huic homini , qui post primam pœnitentiam rursus se laqueis iniquitatis constringit , adhuc iterum parcis ? Quis audeat dicere erga istos non agi quod Apostolus ait : *Ignoras quia patientia Rom. 2.
Dei ad pœnitentiam te adducit?* aut istic exceptis esse diffinitum quod scriptum est : *Beati omnes qui Psl. 2.
confidunt in eum?* aut ad istos non pertinere quod dicitur : *Viriliter agite , & confortetur cor vestrum ,
omnes qui speratis in Domino?*

VIII.

Tandem ad vos , domine rex dilectissime nobis , sermonem conuertimus , quia & in isto temporali regno vos prosperari cupimus , & post istud regnum ad æternum peruenire desideramus . Sicut quidam nostrum ab illis audierunt qui interfuerunt , Carolus Magnus imperator , qui regnum Francorum nobiliter ampliavit , & per annos quadraginta sex feliciter rex , & sapientia tam in sanctis scripturis , quam & in legibus ecclesiasticis & humanis , reges Francorum præcessit , nullo vñquam tempore sine tribus de sapientioribus & eminentioribus consiliariis suis esse patiebatur : sed vicissim per successiones , vt eis possibile foret , secum habebat , & ad capitium lecti sui tabulas cum graphio habebat , & quæ siue in die , siue in nocte , de utilitate sanctæ ecclesiæ , & de profectu ac soliditate regni meditabatur , in eisdem tabulis annotabat , & cum eisdem consiliariis , quos secum habebat , inde tractabat : & quando ad placitum suum ve-

Concil. Tom. 24.

511

niebat , omnia subtiliter tractata plenitudini consiliariorum suorum monstrabat , & communi consilio illa ad effectum perducere procurabat . Et si ille , qui sic sapiens & fortis , & amplitudine regni locuples , & multorum regnorum pacificus dominator , agere studebat ,(sequens sententias scripturæ dicentis : *Omnia fac per consilium , & post factum non paenitebis . & : Audiens sapiens sapientior erit , & intelligens gubernacula possidebit . & : Vbi non est gubernator , populus corruet : salus autem , vbi multa consilia :*) quid vobis sit agendum attendite , qui adhuc in ætate immatura estis , & tantos comparticipes atque exemplulos in ista particula regni habetis , vt nomine potius , quam virtute regnetis . Quæsumus cum consilio & auxilio fidelium vestrorum , eligite qui vobiscum per singulos menses de utroque ordine consiliarii maneant , quibus aurem & cordis & corporis libenter accommodetis , qui que vos & Deum timere , & sanctam ecclesiam ac rectores eius secundum sacras leges doceant honorare , & regnum ac fideles vestros secundum voluntatem Domini gubernare , & vestram domum , sicut tempore antecessorum vestrorum fuit , quando bene fuit , illam vobis insinuent ordinare , ne vos illic trahat necessitas , quo ducere non debet voluntas . Quatenus ecclesiæ in isto regno per occasionabiles circadas , & per indebitas consuetudinarias exactiones , quæ tempore Pippini , Caroli , & Hludouicij non fuerunt , sed moderno tempore impositæ fuerunt , non affligantur : & regni primores cum debita securitate ac honore erga vos consistere

Ecclesiasticus

Proverbia

Proverbia

ANNO CHRISTI
S. 81.
possint , & ceteri nobiles homines in regno securi-
tatem habeant , ne per diuersa ingenia a suis opibus
quas habere potuerint dispolientur. Quia postquam
radix omnium malorum cupiditas in regno isto
exarsit , vt nullus , aut pene nullus , honorem aut
aliquid bonum sine precio posset acquirere aut te-
nere , aut securitatem habere , pax & consilium &
iustitia , atque iudicium , sicut necesse fuerat , locum
in isto regno non habuerunt. Et satagite , vt istæ
rapinæ ac deprædationes in isto regno cessent , &
miser iste populus , qui iam per plures annos per de-
prædationes diuersas & continuas , & per exactio-
nes ad Northmannos affligitur , aliquod remedium
habeat , & iustitia & iudicium , quæ quasi emor-
tua apud nos sunt , reuiuiscant , & virtutem nobis
Deus reddat contra Paganos , quia vsque modo
iam ante plures annos locum in isto regno defen-
sio non habuit , sed redemptio & tributum non so-
lum pauperes homines , sed & ecclesiæ quondam
diuites iam euacuatas habent. Et ideo regium no-
men ad tantam contumeliam & ad tantam breui-
tatem deuenit , sicut multis est notum. & istud re-
gnum , quondam nobile atque amplum , in seipsum
diuisum est : at sicut Dominus dicit , *regnū in seipsum* Math. 11.
diuisum desolabitur , id est , de solo , videlicet de ter-
ra , labitur , id est , ac si de glacie lubricatur ; ita vt
non sit quod in proximo est , nisi , vt in psalmo di- Psal. 7.
citur , conuersi fuerimus ; iam Dominus gladium
suum vibrauit , tetendit & parauit illum , & in eo vasa
mortis effecit. Timete sententiam , quam scriptura
dicit quæ non mentitur : *Væ terræ cuius rex iuuenis* Ecccl. 10.

Concil. Tom. 24.

Sff ij

508 IOANNES C. APVD S. MACRAM.

CAROLVS CRASSVS IMP.
LUDOVICVS
CAROLOMANNVS } RR. F.

est, & cuius principes mane comedunt. Et attendite,

ANNO
CHRISTI
881

quia non detestatur scriptura ætate iuuenum, sed

moribus, & vita, atque stultitia, quæ nulla consi-

lii grauitate deprimuntur. Quod alibi sanctæ scri-

Sap. 4.

pturæ sententiæ monstrant dicendo: *Sene&tus ve-*

n erabilis est, non diuturna, neque numero annorum com-

putata. Cani sunt autem sensus hominis, & ætas sene-

ctutis vita immaculata. Hinc est ergo, quod ad

Num. 11.

Moysen Dominus dicit: *Congrega mihi septuaginta*

viros de senioribus Israel, quos tu nosti quod senes po-

puli sint. In quibus non aliud quam sene&tus men-

tis requiritur, cum tales iubentur eligi qui senes

sciuntur. Si enim sene&tus in eis corporis quærere-

tur, a tantis sciri poterant, a quantis videri. Dum

vero dicitur, quos tu nosti quod senes populi sint,

profecto liquet quia sene&tus mentis, non corpo-

ris eligenda denuntiatur. Talium quippe senum

sicut scriptura demonstrat, consilium Roboam fi-

lius Salomonis respuit, & huiusmodi iuuenum con-

silium secutus, maximam partem regni paterni sua

negligentia perdidit. Cui Dominus propter meri-

ta David aui sui paruam regni particulam reserua-

Ecc. 10.

uit. De eo quod scriptum est: Væ terræ, cuius prin-

cipes mane comedunt, non de necessaria, sed de vo-

luptuosa comedione dicit scriptura, sicut demon-

Rom. 13.

strat Apostolus dicens: Carnis curam ne feceritis in de-

fideriis vel in concupiscentiis. Quos enim a cura carnis

in concupiscentiis refrenat, in necessariis quoque

concedit. Deus omnipotens, qui per nos hæc lo-

quitur in auribus vestris, per se loquatur in cordi-

bus vestris.